



UNIVERSITÄTS-
BIBLIOTHEK
PADERBORN

Universitätsbibliothek Paderborn

Libellvs De Principalitate Romanæ Ecclesiæ

Roth von Schreckenstein, Hieronymus

Ingolstadii, 1550

VD16 R 3252

Similitvdo Ad fontem signatum.

urn:nbn:de:hbz:466:1-30126

ROMANAE ECCLESIAE.

tem dico omnem Ecclesiam, id est congregationem credentium, quæ si pudica fuerit inuenta à sponso suo ingentibus ab eo donis & muneribus honorabitur, & uos ueluti ministri sponsæ & amici sponsæ ingenti gaudio & lætitiâ perfruemini. Si uero sponsa hæc reperta fuerit commaculata peccatis, ipsa quidem tanquam indigna trudetur à Regibus Toris, uos autem pœnas dabitis si forte per uestrâ negligentiam uel desidiam obrepserit contagio sæua peccati.

SIMILITUDO AD UNI-

cam filiam dilectam matri suæ.

MAter uero unicam filiam habens in eandem omnem amorem diffundit, nihil iucundius, nihil dulcius, nihil ita uehementer diligit, quam unicam illam filiã, sic unica nostra dilectio in unica Ecclesia dilecta filia matris suæ. Unicæ autem filiæ, non pluribus assimilatur, & amor quæ in unicam confertur. Sic non plures Ecclesias, sed unicam colere debemus. Quod si eam uarijs sectis diuidimus, iam mox non erit unica filia dilecta matri. Amor enim in plures diuisus refrigescit & extinguitur,

SIMILITUDO AD

fontem signatum.

D iij Sic

DE PRINCIPALITATE

Sic fonti signato Ecclesia cōparatur, ueluti enim ex fonte signato non unicuique aquam haurire licet. Sic gratia spiritus sancti, non unicuique data. Sed illis tantum qui in unitate Catholice Ecclesie sunt. Qui ex fonte signato celestis spiritus gratiam tanquam nectar & Ambrosiam hauriunt, ex unico nempe fonte, Id est Unica Catholica Ecclesia. Nimirum si sapientissimus Salomon Ecclesiam fonti signato comparauerit, non fonti undique, diffluenti & omni uiatori patenti, sed his qui in unitate fidei per gratiam spiritus sancti in Unica Catholica Ecclesia congregantur,

SIMILITUDO AD Hortum Conclusum.

Necque elegantior similitudo adduci potuisset, quam Ecclesie ad hortum Conclusum, qua unitas & concordia, ita luculenter ostenderetur. Quemadmodum enim in horto concluso omnia Aromatum genera atque herbe odoriferae summam suauitatem & dulcedinem uariarumque arborum fructu iucundissimam amoenitatem & uoluptatem maximam pariter & utilitatem referunt, cultoremque unice delectant & afficiunt. Sic in Ecclesia Catholica flante gratia spiritus sancti omnes Christiani summam suauitatem dulcedinem & iucunditatem percipiunt. Sic Christianorum & fidelium credentium congregatio unica sit consonantia & conclusus hortus, non unicuique patens, sed illis qui in unitate spiritus sancti gratia concluduntur, non qui